

**Bosna i Hercegovina**  
**Federacija Bosne i Hercegovine**  
**Tuzlanski Kanton**  
**Općina Banovići**  
**JU CENTAR ZA SOCIJALNI RAD BANOVIĆI**

**Broj:** 05-45-3181-2023  
**Banovići,** 25. 10. 2023

Na osnovu člana 4. Zakona o ustanovama (Sl.list RBiH br.6/92, 8/93, 13/94), člana 38. Pravila JU CSR Banovići br.XI-05-49-1180-2019 od 13.06.2019 godine, člana 4 Pravilnika o postupku prijema u radni odnos u JU "Centar za socijalni rad" Banovići br.XI-05-49-1326-2019 od 10.07.2019 godine i broj : 03-45-1960-2023 od 22.06.2023.godine, te shodno Odluci o potrebi prijema u radni odnos broj: 05-45-3131-2023 od 19.10.2023.godine, JU "Centar za socijalni rad" Banovići raspisuje :

**JAVNI OGLAS**  
**za prijem radnika u radni odnos na neodređeno vrijeme**

Javni oglas za prijem radnika u radni odnos na neodređeno vrijeme i to sa punim radnim vremenom , raspisuje se za slijedeće radno mjesto:

- Stručni saradnik za porodicu i brak- ( 1 izvršilac)

**KRATAK OPIS POLOVA**

- Preduzima mjere radi zaštite i ostvarivanja prava djece u slučajevima zanemarivanja roditeljskog staranja;
- Opservira žrtve porodičnog nasilja i članova njihove porodice;
- Vodi evidenciju o žrtvama porodičnog nasilja, provodi procesne radnje i koordinira sa partnerima koji su potpisali Protokol o intervencijama u slučajevima nasilja u porodici za područje općine Banovići;
- Preduzima sve mjere radi zaštite imovinskih prava i interesa djeteta;
- Predlaže stručnom timu izricanje odgovarajućih mjera roditeljima ukoliko utvrdi da se zanemaruju prava djeteta od strane roditelja;
- Daje stručno mišljenje u postupku povjeravanja djece u toku razvoda braka;
- Vodi postupak posredovanja između bračnih partnera sa poremećenim bračnim odnosima te saraduje sa stručnim timom centra u pogledu donošenja stručnog nalaza i mišljenja;
- Radi na saniranju poremećenih porodičnih odnosa i konfliktnih situacija, prije, u toku i nakon razvoda braka;
- Prisustvuje ročištima kod nadležnih sudova u postupcima razvoda braka u kojima se odlučuje o sadržajima roditeljskog staranja;
- Vodi evidenciju o pravosnažnim presudama posebno u segment povjeravanja i izdržavanja djece (kartoni obeveza izdržavanja)
- Istražuje i prikuplja socio-anamnestičke podatke po zahtjevu nadležnim sudovima i drugih institucija;
- Učestvuje u postupcima izmjene sudskih odluka o sadržajima roditeljskog staranja;
- Vršiti savjetovanje bračnih partnera sa poremećenim bračnim odnosima;
- Prati izmjene i dopune propisa iz porodične zaštite;
- Učestvuje u radu stručnog tima Centra;
- Predlaže mišljenje u pogledu izdavanja putne isprave maloljetnicima;
- Predlaže stručna mišljenja u pogledu roditeljskog staranja;
- Predlaže stručno mišljenje u pogledu maloljetničkog braka;

- Vodi upravni postupka utvrđivanja očinstva I učestvuje u postupku osporavanja I utvrđivanja očinstva kod nadležnih sudova;
- Priprema analize, izvještaje, informacije i druge stručne i analitičke materijale;
- Priprema odgovarajuće materijale kojima se vrši informiranje nadležnih organa;
- Prati i proučava stanja i pojave nadležnosti referata, na osnovu prikupljenih podataka ili podataka koje dostavljaju drugi organi ili pravne osobe i vrši obradu tih podataka, sa prijedlogom mjera za rješavanje utvrđenih problema;
- Učestvuje u pripremi progama rada i izvještaja o radu ustanove,
- Prati realizaciju ustanove,
- Predlaže projekte u cilju promoviranja mjera I radnji u zaštiti žrtava porodičnog nasilja;
- Učestvuje u radu stručnog tima Centra;
- Učestvuje u izradi godišnjeg programa rada i izvještaja o radu;
- Obavlja i druge poslove od interesa za ustanovu i po nalogu neposrednog rukovodioca u skladu sa stručnom spremom, znanjem i sposobnostima;
- Za svoj rad odgovoran je direktoru Centra.

#### **OPĆI USLOVI**

- Da je državljanin Bosne i Hercegovine
- Da su stariji od 18 godina;
- Da nije kažnjavan (dostavlja izabrani kandidat)
- Da imaju opću zdravstvenu sposobnost za rad (ljekarsko uvjerenje dostavlja izabrani kandidat)

#### **POSEBNI USLOVI**

- VSS- VII stepen stručne spreme – završen fakultet za zvanje diplomirani socijalni radnik, magistar ili doktor nauka iz oblasti socijalnog rada ili visoko obrazovanje, prvog, drugog ili trećeg ciklusa Bolonjskog sistema studiranja koji se vrednuje sa najmanje 240ECTS bodova-socijalnog rada;
- 1. godina radnog iskustva u struci nakon završenog VSS;
- Položen stručni ispit;
- Poznavanje rada na računaru;
- Položen vozački ispit za upravljanje motornim vozilom ("B" kategorije)

#### **POTREBNA DOKUMENTACIJA**

Uz prijavu na javni oglas kandidati su dužni dostaviti slijedeću dokumentaciju:

- Uredno popunjen prijavni obrazac
- Uvjerenje o državljanstvu – original ili ovjerena kopija (ne starije od 6 mjeseci)
- Kopija lične karte- ovjerena
- Diploma o stečenoj stručnoj spremi
- Dokaz o stečenom radnom iskustvu ( uvjerenje ili potvrda poslodavca kod kojeg je kandidat radio- tačan opis poslova na kojima je isti bio angažovan kao i vrijeme angažovanja na istim)
- Uvjerenje o položenom stručnom ispitu
- Dokaz o poznavanju rada na računaru - uvjerenje
- Dokaz o položenom vozačkom ispitu (ovjerena kopija važeće vozačke dozovle)

**Sva naprijed navedena dokumntacija dostavlja se u originalu ili ovjerenoj kopiji, u suprotnom će se ista smatrati nepotpunom .**

### Posebna napomena

- Proces izbora kandidata zasniva se na razmatranju uredne i blagovremeno dostavljene dokumentacije, te održanom pismenom i usmenom ispitu za sve kandidate kao i održanom praktičnom ispitu za kandidate koji polože pismeni i usmeni ispit.
- O mjestu i vremenu održavanja procesa izbora, kandidati će biti blagovremeno obaviješteni i to najmanje pet (5) dana prije održavnja ispita.
- Kandidati koji ne pristupe ispitu smatrat ce se da su isti odustali od Javnog oglasa o čemu isti neće biti pismeno obavješteni.
- Javni oglas ostaje otvoren petnaest (15) dana od dana njegovog poslednjeg objavljivanja a isti će biti objavljen u dnevnom listu "Dnevni list" zatim na oglasnoj ploči JU Centar za socijalni rad Banovići , i biti će dostavljen Javnoj ustanovi "Službi za zapošljavanje" TK-a.
- Prijavni obrazac kandidati mogu preuzeti u službenim prostorijama JU "Centar za socijalni rad" Banovići.
- Prijavu na Javni oglas , koja mora biti na jednom od zvaničnih jezika BIH , dostaviti lično ili putem poste preporučeno na adresu :

**JU CENTAR ZA SOCIJALNI RAD BANOVIĆI UL.ALIJE IZETBEGOVIĆA BR.3 BANOVIĆI  
75290 BANOVIĆI sa naznakom :**

### **PRIJAVA NA JAVNI OGLAS ZA PRIJEM U RADNI ODNOS NA NEODREĐENO VRIJEME**

Nepotpune, neblagovremene i neuredne prijave se neće uzimati u razmatranje.

Sa kandidatom koji bude izabran zaključit će se ugovor o radu na neodređeno vrijeme, a samo izabrani kandidat ce biti u obavezi da u određenom roku dostavi ljekarsko uvjerenje kao dokaz da njegovo zdravstveno stanje i psihofizičke sposobnosti odgovaraju uslovima radnog mjesta za koje se raspisuje ovaj oglas.

